

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj: 7/10 i 3/23) i člana 29. i 52. Zakona o izvršavanju Budžeta Zeničko-dobojskog kantona za 2026. godinu ("Službene novine Zeničko-dobojskog kantona", broj: 24/25), na prijedlog Ministarstva unutrašnjih poslova - Uprava policije, Vlada Zeničko-dobojskog kantona, na 118. sjednici, održanoj 18.02.2026. godine, d o n o s i

O D L U K U

**o usvajanju Programa utroška sredstava u razdjelu 15 -
Ministarstvo unutrašnjih poslova - Uprava policije, pozicija "Nabavka opreme"
budžetska sredstva - Izvor 10 Budžeta Zeničko-dobojskog kantona za 2026. godinu**

Član 1.

(Predmet)

Usvaja se Program utroška sredstava Ministarstva unutrašnjih poslova Zeničko-dobojskog kantona - Uprava policije za 2026. godinu, sa razdjela 15, budžetska organizacija 02, potrošačka jedinica 0001, ekonomski kod 821 300, pozicija "Nabavka opreme" - Izvor 10, u iznosu od 5.566.000,00 KM (slovima: petmilionapetstotinašezdesetšesthiljada konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva iz člana 1. ove odluke realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo unutrašnjih poslova - Uprava policije i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-11-3012/26

Datum, 18.02.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo unutrašnjih poslova,
1x Uprava policije, putem Ministarstva,
1x Ministarstvo finansija,
1x „Službene novine Zeničko-dobojskog kantona“,
1x a/a.

P R O G R A M
utroška sredstava u razdjelu 15 -
Ministarstvo unutrašnjih poslova - Uprava policije, pozicija "Nabavka opreme"
- budžetska sredstva - Izvor 10 Budžeta Zeničko-dobojskog kantona za 2026. godinu

Član 1.

(Svrha programa)

Svrha programa je nabavka opreme radi unapređenja rada svih organizacionih jedinica Ministarstva unutrašnjih poslova - Uprava policije za 2026. godinu (policajska vozila, pištolji, puške, klima uređaji i drugi uređaji za grijanje i hlađenje, telefonski aparati i fax uređaji, alkometri, informatička oprema, mobilni radari, fotoaparati, digitalne precizne vage veće gramaže, dronovi i antidronovi, sistemi za snimanje (soba za snimanje), serveri za pohranu storage, sigurnosne kamere, kancelarijski namještaj, električni uređaji (bijela tehnika), stacionirani radari, droga testovi, uređaji radio veze (digitalne radio stanice, digitalni repetitori, fiksne radio stanice, repetitorske antene i drugo), poligraf, ormari za službeno naoružanje i sušenje tragova, ručni termovizijski monokulari, uređaji za opojne droge i GPS uređaji za praćenje vozila).

Član 2.

(Visina sredstava)

Visina sredstava utvrđenih ovim programom iznosi 5.566.000,00 KM (slovima: petmilionapetstotinašezdesetšesthiljada konvertibilnih maraka).

Član 3.

(Izvor sredstava)

Sredstva iz člana 2. ovog programa isplatit će se iz Budžeta Zeničko-dobojskog kantona za 2026. godinu ("Službene novine Zeničko-dobojskog kantona", broj: 24/25), razdjel 15, budžetska organizacija 02, potrošačka jedinica 0001, ekonomski kod 821 300 pozicija "Nabavka opreme"- izvor 10 i iz sredstava primljenih tekućih transfera Vlade Federacije Bosne i Hercegovine (potpore iz Budžeta Vlade Federacije Bosne i Hercegovine) u skladu sa Odlukom koju donosi Vlada Zeničko-dobojskog kantona o visini i namjeni utroška sredstava.

Član 4.

(Kriteriji utroška sredstava)

Kriteriji utroška sredstava će biti utvrđeni u skladu sa Zakonom o javnim nabavkama ("Službeni glasnik BiH", broj: 39/14, 59/22 i 50/24), usvojenim planom javnih nabavki Ministarstva unutrašnjih poslova Zeničko-dobojskog kantona - Uprave policije za 2026. godinu i pozitivnim zakonskim propisima, a kako je prikazano u članu 6. ovog programa.

Član 5.

(Kategorija korisnika sredstava)

Korisnik sredstava je Ministarstvo unutrašnjih poslova - Uprava policije.

Član 6.

(Naziv pozicije)

Pojedinačna nabavka iz člana 1. ovog programa će se vršiti prema nazivu pozicije "Nabavka opreme", u okviru planiranih sredstava, kako je navedeno u sljedećoj tabeli:

NAZIV POZICIJE	PLANIRANA SREDSTVA U KM
NABAVKA OPREME	
- Policijska vozila	1.580.000,00
- Pištolji	199.649,00
- Puške	400.351,00
- Klima uređaji i drugi uređaji za grijanje i hlađenje	54.000,00
- Telefonski aparati i fax uređaji	7.000,00
- Alkometri	35.000,00
- Informatička oprema	340.000,00
- Mobilni radari	330.000,00
- Fotoaparati	30.000,00
- Digitalne precizne vage veće gramaže	10.000,00
- Dronovi i antidronovi	350.000,00
- Sistemi za snimanje (soba za snimanje)	200.000,00
- Serveri za pohranu storage	350.000,00
- Sigurnosne kamere	500.000,00
- Kancelarijski namještaj	70.000,00
- Električni uređaji (bijela tehnika)	30.000,00
- Stacionirani radari	360.000,00
- Droga testovi	120.000,00
- Uređaji radio veze (digitalne radio stanice, digitalni repetitori, fiksne radio stanice, repetitorske antene i drugo)	400.000,00
- Poligraf	35.100,00
- Ormari za službeno naoružanje i sušenje tragova	35.100,00
- Ručni termovizijski monokulari	83.600,00
- Uređaj za opojne droge	23.400,00
- GPS uređaji za praćenje vozila	22.800,00
U K U P N O:	5.566.000,00

**Član 7.
(Realizacija)**

Za realizaciju ovog programa zadužuju se Ministarstvo unutrašnjih poslova - Uprava policije i Ministarstvo finansija, svako u okviru svojih nadležnosti, a sve u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija.

**Član 8.
(Način i rokovi izvještavanja)**

O utrošku sredstava po ovom programu, Ministarstvo unutrašnjih poslova - Uprava policije, polugodišnje izvještava Vladu Zeničko-dobojskog kantona.

Broj: 02-11-3012/26

Datum, 18.02.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo unutrašnjih poslova,
1x Uprava policije, putem Ministarstva,
1x Ministarstvo finansija,
1x „Službene novine Zeničko-dobojskog kantona“,
1x a/a.